

حسبی ایشرلین قانونونا گوره ساوادسیز شخص گیزی وصیت‌نامه تنظیمله‌یه بیلمز.

ج. رسمی وصیت‌نامه

رسمی وصیت‌نامه‌نین یازماسی، رسمی اسناد دفترلرینده تنظیم اولان آیری سندلر کیمی یازیلا بیلر. بو نوع وصیت‌نامه‌ ساوادسیزلار طرفیندن‌ده یازیلا بیلر و رسمی اسناد دفترلرینده ثبت اولدوغونا گوره بو نوع وصیت‌نامه‌نین ایتماق و یا آرادان گئتماق قورخوسو یوخدور.

شفاهی وصیت‌نامه

وصیت‌نامه تنظیمی‌نین تشریفاتلاریندان بیر اونون کتبی اولماسیدیر اما بو تشریفات رعایت اولونمایان جنگ و زلزله کیمی اضطراری زمانلار، شخص ایکی شاهدین حضوروندا وصیت ائلیه‌ بیلر و شاهدلرین بیری وصیت‌نامه‌نین محتواسینی دقیق تاریخی اینن تنظیم ائله‌بیب حصارلرین حضورونا چاتدیرمالیدیر. اما وصیت ائله‌نین شرایطین عادی اولدوغو زمانا قدر یاشاسا، وصیت‌نامه‌نی قانونی تشریفاتینان تنظیمله‌مه‌لیدیر.

وصیت‌نامه‌نین یازیلا طرزی

مخدره ماده‌لر کیمی عقلانی منفعتی اولمایان زادلارا وصیت ائله‌ماق اولماز. وصیت اولونان زاد، عقلانی و شرعی اولمالیدیر. مثلاً بیر قطعه یئر کیمی.

وصیت اولونان زاد معامله و انتقال قابلیتی اولمالیدیر. بونا گوره عمومی اموالی و موقوفاتی وصیت ائله‌ماق اولماز.

وصیت ائله‌ین، وصیت اولان زادا مالک اولمالیدیر و آیریسسی‌نین مالینی حتی اونون اؤز اجازه‌سی اینن وصیت ائلیه بیلمز.

آغالارین وئره‌جاغی میوه‌ کیمی گله‌چاقدا وجودا گلن مالا وصیت ائله‌ماق اولار.

وصیت ائله‌ین عاغلی باشیندا و اختیار صاحبی اولمالیدی. مجبوری وصیتین اعتباری یوخدور.

وصیت‌نامه تنظیمینده شخص، واجب اولموش حج و خمس و زکات و رد مظالم کیمی بعضی واجباتین اصل مالدان آیریمالی اولدوغونو بیلمه‌لیدیر.

وصیت ائله‌ین وارثلری ارثدن محروم ائله‌ماغا اختیاری یوخدور. وصیت ائله‌ین بوتون مالینی بیر وارثه وئریب آیریسینی تماماً محروم ائله‌ماق اختیاری یوخدور. بئله اولدوغو تقدیرده وصیت فقط مالین اوچدن بیرینه قدر نافذ و گنچرلی ساییلار. حقیقته وصیت‌نامه فقط و فقط ارث کیمی قالان اموالین اوچدن بیرینه تعیین تکلیف ائلیه بیلر و اوچدن ایکسی قانون اساسیندا وارثلر آراسیندا بؤلونمه‌لیدیر.

بو قسمتین مهم نکته‌سی بودور کی وصیت ائلینین بورجلاری اصل مالدان آریلار و سونرا قالان مالین اوچدن بیرینه وصیت اساسیندا عمل اولونار و قالانی ورثه آراسیندا بؤلونر.

تملیکی وصیت

شخص اؤز مال و یا منفعتینی آیریسینا وصیت ائله‌دیغی زمان، وصیت‌نامه‌نین آدی تملیکی وصیت‌نامه اولور. بو وصیت‌نامه‌یه گوره مرحوم اولان شخصین وصیت اولان مالی آیری آدامین ملکیتینه گنچر.

عهدی وصیت

بعضاً وصیت ائله‌ین بیریندن ایستر کی اونا بیر سئری عمل‌لر انجام وئرسین. مثلا او اؤلندن سونرا اموالینی وقف ائله‌سین و یا بورجلارینی ادا ائله‌سین. بو وصیته حقوق اصطلاحیندا عهدی وصیت دئیرلر.

وصیت‌نامه‌نین اجراسینا تعیین اولان شخص وصیت ائله‌ینین دریلیغیندا وصیت اینن مخالفت ائله‌یه بیلر آما اونون اؤلوموندن سونرا مجری مرحومون وصیتینه عمل ائله‌مه‌لیدیر.